

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

1. Nunaateqarnerup siunissaa Naalakkersuinikkut qanoq pilersaaruteqarfigineqarpa?
2. Upernaviarsummi savaatilissatut Ilinniartitaaneq qanoq siunnerfeqartinneqarpa?
Pitsaassuseq qanoq ittoq piumasaqaataava?
3. Savaatilissatut naammassinninneq sunik piumasaqaateqarpa. Angusat pitsaassuserlu qanoq ittut sinaakkutaappat?
4. Atuartitaaneq ilinniartitaanerlu sunik Naalakkersuinikkut piumasaqaateqartinneqarpat?
5. Pitsaassutsip attannissaannut kikkut nakkutiginnittussaappat?
6. Ilinniartitaanermi ilinniartitsissutit suut atorneqassappat, nutarterneqartarpallu?
7. Savaatilissanut ilinniartitsissagaanni ilinniarnep iluani naammassisassat piumasaqaatillu sinaakkusersugaappat?
8. Uumasuuteqarneq imminullu pilersorneq qaffakkiartuaartinneqarnissaannut ersarissumik siunnerfeqartoqarpa?
9. Siunnersorteqarneq qitiusumik peerlugu sumiiffimmut nuunneqassappat siuarsaanermut aningaasat qanoq amerlatigisut malinnaatinneqassappat?
10. Ilinniartut ineqarfigisaat ullutsinnut naleqqukkunnaarsimasut qanoq pilersaaruteqarfigineqarpat.
11. Savat inaat ilinniartitsinerlut atorneqartut ullutsinnut naleqqutinngilluinnartut nutarsarneqarniarpat?
12. Sillimaniarnikkut atugassarititaasut kikkunnit nakkutigineqarpat?

(inatsisartunut ilaasortaq Vivian Motzfeldt - Siumut)

Tungavilersuut:

Savaatilissatut ilinniartitaaneq avaqqunneqarsinnaanngitsumik nutarteriffigineqarluni nutaanik siunnerfilersorneqartariaqarpoq. Naalakkersuinikkut imminut pilersorsinnaanerup tamatigut

qaffakkiartuaartinneqarnissaa siunnerfiuvoq, aammami taamaattussaavoq nunami namminersulivinnissamik siunnerfeqartumi. Ullumikkut killiffik allannguisoqanngippat nappakkuminaappoq, savaatilissatut ilinniarfik illutigut, atuartitaanikkut kiisalu savat inaateqarnikkut ajorluinnartumik ullutsinnullu naleqqutinngilluinnartunik atugassaqaartinneqarluni ingerlavoq. Pisortat ingerlataat tamarmik malittarisassaqaqput sillimaniarnikkut illersorneqarsinnaasumik ingerlatsiviusussaallutik, tamannalu nunaateqarnermik ilinniartoqarfiusumut qanoq soorlu atuutsinneqanngitsoq. Savaatilissatut ilinniarfik sillimaniarnikkut naamaginanngilluinnartumik inissisimavoq, allaat inuup inuuneranik naleqarsinnaasorpassuarnik atugassaqaarfiusumik.

Apeqqutit qulaani taaneqareersut tunngavilersuutigineqartullu akigasuarneqarnissannik kissaateqarlunga matumuuna ingerlateqqippakka.